




ԷԿՈՒՄԵՆԻԿ

ԿՅԱՆՔ

ՀԱՄԱՄԻՈՒԹԵՆԱԿԱՆ ԿՐՈՆԱԿԱՆ ԿՈՆՖԵՐԱՆՍ ՄՈՍԿՎԱՅՈՒՄ

Սույն թվականի մայիսի 14—16 օրերին Մոսկվայում, «Ուկրաինա» հյուրանոցի հանդիսարանում, տեղի ունեցավ համամիութենական կրոնական կոնֆերանս՝ Մոսկվայի և Համայն Ռուսաստանի Պատրիարք Նորին Արքեպիսկոպոսի Պիմենի հրավերով: Կոնֆերանսը միավորված էր՝ այս տարվա հունիսին Պրագայում կայացած Խաղաղության քրիստոնեական և համաժողովի արդյունքների քննարկմանը: Մասնակցում էին Սովետական Միության կրոնական (քրիստոնեական, մահմեդական, հրեական և բուդդայական) հաստատությունների շուրջ հարյուր ներկայացուցիչներ:

Կոնֆերանսում Մայր Աթոռ ս. Էջմիածինը ներկայացնում էին՝ Արարատյան թեմի առաջնորդական փոխանորդ և Գերագույն հոգևոր խորհրդի անդամ տ. Կոմիտաս արքեպ. Տեր-Ստեփանյանը, Մոսկվայի և Նոր Նախիջևանի հայոց թեմի առաջնորդական տեղապահ տ. Տիրան վրդ. Կյուրեղյանը, Գերագույն հոգևոր խորհրդի անդամ տիար Հովհաննես Թոփուզյանը և տ. Թորգոմ վրդ. Մուշեղյանը:

Նորին Արքեպիսկոպոս Պիմեն Պատրիարքի բացման խոսքից հետո Կիևի և Գալիցիայի միտրոպոլիտ, «Խաղաղության քրիստոնեական կոնֆերանս»-ի աշխատանքները շա-

րունակող կոմիտեի նախագահ Ֆիլարետը հանդես եկավ Խաղաղության քրիստոնեական և համաժողովի արդյունքների վերաբերյալ ընդարձակ զեկուցումով, որի շուրջ տեղի ունեցավ մտքերի լայն և աշխույժ փոխանակություն:

Մայր Աթոռի պատգամավորության կողմից ելույթ ունեցավ տ. Կոմիտաս արքեպիսկոպոսը: Անդրադառնալով Խաղաղության քրիստոնեական և համաժողովի արդյունքներին, նա բարձր գնահատեց քրիստոնյաների դերը՝ աշխարհում խաղաղության պահպանման գործում:

Ապա նա կանգ առավ տարիներից ի վեր Լիբանանում ավեր գործող քաղաքացիական եղբայրասպան կռիվների վրա և ցույց տվեց այն աղետալի կացությունը, որին մատնվել է «դրական չեզոքության» պահանջող լիբանանահայությունը:

Վերջում սրբազանը կոնֆերանսի մասնակիցներին կոչ արեց՝ աղոթել այդ ասպընջական երկրում խաղաղության վերահաստատման համար:

Կոնֆերանսում լավեցին մի շարք հետաքրքրական զեկուցումներ արդիական հրատապ հարցերի վերաբերյալ, ինչպիսիք էին «Սովետա-ամերիկյան և սովետա-չինական հարաբերությունները» (զեկուցող՝ Մ. Ս. Կապիցա), «Միջազգային տնտեսական

հարաբերությունների վերակառուցման հարցեր» (զեկուցող՝ Գ. Է. Սկորով), «Մեր ձավոր Արևելքի պրոբլեմներ» (զեկուցող՝ Ա. Ի. Ֆիլև), «Սովետական հասարակայնության զարգացման հիմնական գծերը և ուղղությունները» (զեկուցող՝ Յու. Ա. Տիխոմիրով), «Զինաթափման պրոբլեմը» (զեկուցող՝ Ի. Գ. Ուսաչև):

Խաղաղության քրիստոնեական Ե համաժողովի արդյունքների հետ սերտորեն առնչվող այդ զեկուցումների շուրջ տեղի ունեցած մտքերի փոխանակումից հետո կոնֆերանսի մասնակիցներն ընդունեցին

համապատասխան բանաձև-հաղորդագրություն, որտեղ արտացոլված է Սովետական Միության կրոնական հաստատությունների վերաբերմունքն այն ամենահիմնական հարցերի նկատմամբ, որ այսօր հուզում են աշխարհի բոլոր բարի կամքի տեր մարդկանց:

Կոնֆերանսի աշխատանքների ավարտին ուսումնասիրվեցին եկեղեցու կողմից ճաշկերույթ տրվեց նրա մասնակիցների պատվին:

ԹՈՐԳՈՄ ՎԱՐԴԱՊԵՏ ՄՈՒՇԵՂՅԱՆ

